

Santiago

Juu' la- ga-sii' Satia~ kih' judiu dsa-gooy'

1 ¹ Jnä' Satia~, jmeen+ ta'he' kih' Dio kyaah' Jesucristo Dsa-jøøh' jnän`. Jee' la- ma-siin' kyah' hnäh' lä-jëë+ gya-to' nää' dsa- judiu hi- na-saa- na-jñee' lä-kaa- jmi-gyuu+. Jmeen+ Dio kyah' hnäh'.

Huu'dsë- llu' he- kwa+ Dio

² Øøhn', hnøø' wa' chaah- hnäh' llu' wa'ra- ga-ngëeh' hnäh' wa' he- cha- he- he- wii'. ³ Ma-nëh' ba' hnäh' lä- ma' jëeh' hnäh' he- wii', jee' ja- dsa-lä-jnä' che' lä- ma-dsoo' ja-ba' hoh' hnäh' hi+ lä-jwë' ja-, lä-tëeh- hnäh' kwëeh' hoh' hnäh'. ⁴ Pero hnøø' kwëeh' hoh' hnäh' cha-ga'miih- lä-jiih' hwëë- hnäh' llu', lä-koø- jaa- hi- ma-ää- huu'dsë- kih'. Ja- jiih' mo+so+ cha- ga' he- mo+ jmee+ bii' kyah' hnäh'.

⁵ Cher'mah' chaa- ko-llaa' jee' kyah' hnäh' hi- sa+ ga' ma-ngëë' llu', wa' ngiiy' kih' Dio, hi- he' ba' jmee' lä-ngëëy'. Jëeh' ma-ra+ he- kwa+ ba' Dio cha-miih- huu'dsë- llu' kih' lä-jëë+ hi- ngii+, hi+ sa+ dsa-lä-lleey' kyaah' ni+ jaa- hi- ngii+. ⁶ Wa'ra- ga-ngiih' hnäh' kiyh', hnøø' jmeeh' hnäh' dsoo' hoh' hnäh', ta+ wa' jeh+ hoh' hnäh' ni+ miih-. Jëeh', jaa- hi- jmee+ to' dsë', laay' lä-koø- la' kih' jmi-ñeeh- wa'ra- ga-hluh' kyaah' lle', be- ta+ la+ ta+ jnø+. ⁷ Jaa- dsa- hi- jmee+ lä-ja-, he-la' mo+ jøø' gyih' he- hyoyh+ kih' Dsa-jøøh' jnän`. ⁸ Dsa- hi- jmee+ to' dsë', sa+ jmääy' ngëy' koø- nëe'.

⁹ Jaa- øøh' jne' hi- tä-ñee', wa' jëë- ba' dsëy'. Jëeh', kih' Dio ma-laay' lä-koø- jaa- hi- jøøh'. ¹⁰ Pero dsa- hi- cha- kuu', hnøø' jëë- dsëy', cher'mah' Dio ga-jmeey' ga-jäy' ta+ hwa'. Jëeh', dsa- he' ääh' lä-koø- dsa-ääh' wa'le' he- cha- në- nuu-. ¹¹ Wa'ra- ga-hya- hyoo- llii' jwërte, hëh' llii' chaah' le' ja-, he-ja- dsa-lä-kii- chaah' hi+ dsa-tøh+ mi'le', mo+so+ jnä' na'hñaah'. Ja-ba' lä-ja- la' kih' hi- cha- kuu', koø- dsa-uu+ bih' jee' jmeey+ ta' kiyh'.

Llu' la' kih' hi- kwëeh~ dsë' ma' jëëy~ he- wii'

¹² Llu' la' kih' hi- ga-lä+be' dsë' wa'ra- ja' he- hliih' ka' dsëy'. Jëeh' cher'mah' ya-hëëy' lluu', lä-koø- jñeey' hyoyh+ jee' chaay- tää'. He- ja- la' lä-koø- coron he- ga-bääh- Dio hñii' kwëëyh' dsa- hi- hnaayh-.

¹³ Cher'mah' gwa' dsë' dsa- jmee' he- hliih', ni+ miih- sa+ sooh- he- jäyh+ Dio ka- dsëy'. Jëeh' sa+ gwa' dsë' Dio jmee' he- hliih', hi+ ni+ sa+ kay- dsë' dsa- mah' jëëy' che' jmee' dsa- he- hliih'. ¹⁴ Kih' he- hee' dsë' lä-jaa- lä-jaa- he- hliih', he-ja- gwa' dsëy' jmeey' he- hliih', mi-goo+ kiyh', hi+ jøø+ kiyh' jwë' hliih'. ¹⁵ Hi+ ma-ngëë' ma-hääy' jwë' he- hee' dsëy', ma-na'jnääy' kyaah' dso'kye-. Ma-la+ ma-heey' hñiiy' kyaah' dso'kye-, ja- jiih' juuy' go-te~.

¹⁶ Øøhn¹ hi⁻ hnaan⁺, ta⁺ mi⁻gaa¹ hnäh^ʔ hñaah¹. ¹⁷ Lä⁺jë⁺ he⁻ llu¹ he⁻ ga⁻hñah¹ jne^ʔ la⁻, lä⁺jë⁺ he⁻ jnaah¹ la¹, he⁻ la⁻ na⁻ ja¹ gyuu^h jmi⁻gyuu⁺, he⁻ la⁻ ga⁻kwa^ʔ ba^ʔ Dio. Hi⁻ he^ʔ na⁻ ga⁻jmää¹ lä⁺jë⁺ hi⁻ choo¹ je⁻ gyuu^h jmi⁻gyuu⁺. Pero Dio sa⁺ dsa⁻lä⁻sëy¹ lä⁺ko^o la¹ kih¹ hi⁻ hëe⁻ gyuu^h he⁻ dsa⁻lä⁻sii¹ heeh⁻ kih¹. ¹⁸ Lä⁺ hyoh⁻ dsëy¹, ga⁻jmeey^ʔ ga⁻lä⁻chaa⁺ jne^ʔ lä⁻hmëe^ʔ ta⁻la⁻ kih¹ ju⁻dsoo^ʔ he⁻ ga⁻kwëeyh¹ jne^ʔ mah¹ lee^ʔ jne^ʔ ma⁻ra⁺ hi⁻ kyaay¹ jee^ʔ kih¹ lä⁺jë⁺ hi⁻ ga⁻jmääy¹.

¹⁹ He⁻ja⁻ jwahn⁺ øøhn¹ hi⁻ hnaan⁺. Hnøø¹ nuuh¹ da^ʔ hnäh^ʔ jää¹ ha⁻ lä⁻ la¹ juu¹ kih¹ dsa⁻. Ta⁺ jiih^h hnäh^ʔ chah^ʔ. Ta⁺ mi⁻lee¹ hnäh^ʔ hñaah¹ na⁻koh^ʔ. ²⁰ Heh¹ dsa⁻lä⁻lee^ʔ jne^ʔ, jne^ʔ jwë¹ jnän⁻ he⁻ jmeen^ʔ he⁻ llu¹. ²¹ He⁻ja⁻ jwahn⁺, mo⁻to⁺ jmee⁻ ga⁻ hnäh^ʔ he⁻ hliih¹, mo⁻to⁺ bääh^h ga⁻ hnäh^ʔ hñaah¹ dso⁻kye⁻ he⁻ cha⁻ cha⁻miih⁻ na¹. Jmää^h hnäh^ʔ hñaah¹ hwaah^ʔ, heeh^h hnäh^ʔ juu¹ he⁻ ma⁻na⁻ jnääh^ʔ tuh⁻hoh^ʔ hnäh^ʔ. Jëeh^ʔ juu¹ na⁻ lää¹ hnäh^ʔ.

Hnøø¹ jmeen^ʔ ta⁻he¹ kih¹ juu¹ he⁻ ma⁻nuu^ʔ jne^ʔ

²² Ja⁻ jmeeh⁻ hnäh^ʔ he¹ kih¹ juu¹ na⁻, ja⁺ ko^o nuuh⁻ ba^ʔ hnäh^ʔ. He⁻ mi⁻gaa^h hnäh^ʔ hñaah¹ ba^ʔ ja⁻, cher⁻mah¹ sa⁺ ga⁻jmeeh^ʔ hnäh^ʔ he¹. ²³ Cher⁻mah¹ sa⁺ ga⁻jmeey^ʔ dsa⁻ he¹ wa⁻ra⁻ ga⁻nuuy^ʔ juu¹ na⁻, hi⁻ he^ʔ laa¹ lä⁺ko^o jaa⁻ hi⁻ jëe^h hñii^ʔ kyaah^ʔ hu⁻. ²⁴ Jëeh^ʔ, ma⁻la⁺ ma⁻jëy⁺ hñiiy^ʔ mah¹ go⁻hëy¹ hi⁺ lä⁻chah^ʔ ja⁻ dsa⁻gaa^ʔ dsëy¹ ha⁻ lä⁻ laay¹. ²⁵ Pero cher⁻mah¹ jaa⁻ dsa⁻ ga⁻nuu^ʔ kwee⁻ lä⁺ko^o jäh^ʔ ley he⁻ llu¹ go⁻te⁻ he⁻ kyaah^ʔ dsa⁻lää^ʔ jne^ʔ, hi⁺ cher⁻mah¹ dsa⁻ he^ʔ ngoo¹ bih¹ jmeey⁺ he¹ kih¹ juu¹ na⁻, kih¹ hi⁻ he^ʔ mi⁻jøø¹ ba^ʔ Dio lä⁺jë⁺ he⁻ jmeey⁺. Jëeh^ʔ, ja⁺ ko^o nuu⁻ bih¹ mah¹ dsa⁻gaa^ʔ dsëy¹ ka⁻läh^ʔ, ma⁻ra⁺ he⁻ jmee⁻ bih¹ he¹ kih¹ juu¹ na⁻.

²⁶ Cher⁻mah¹ jaa⁻ dsa⁻ laay^ʔ, hnaayh⁻ Dio mah¹ hlëeh⁺ bih¹ wa^ʔ la¹ cha⁻ la¹, he⁻ mi⁻gaa^ʔ hñii^ʔ bih¹ ja⁻, sa⁺ jmää¹ go⁻te⁻ he⁻ jäyh^ʔ hnaayh⁻ Dio. ²⁷ Pero cha⁻në^ʔ Dio hi⁻ laa¹ Tääh^h jnän⁻, jaa⁻ dsa⁻ hi⁻ ma⁻ra⁺ he⁻ dsoo^ʔ hnaayh⁻ Dio, hnøø¹ kway¹ be^ʔ kih¹ chih⁻ hñii^ʔ hi⁻ jëe^h wi^ʔ hi⁺ lä⁻ja⁻ kih¹ dsa⁻më^ʔ hñii^ʔ ka⁻läh^ʔ, hi⁺ hnøø¹ häy¹ hñiiy^ʔ mah¹ sa⁺ wa^ʔ lä⁻sayh^ʔ kyaah^ʔ he⁻ hliih¹ he⁻ cha⁻ jmi⁻gyuu⁺ la⁻.

Sa⁺ wa^ʔ jëe^ʔ jne^ʔ he⁻ laa¹ dsa⁻

2 ¹ Øøhn¹, he⁻ ma⁻dsoo^ʔ hoh^ʔ hnäh^ʔ kih¹ Jesucristo Dsa⁻jøøh¹ jnän⁻ hi⁻ lluu¹ go⁻te⁻, jmee⁻ bii¹ jmeeh¹ hnäh^ʔ kwee⁻ lä⁺hii^ʔ në^ʔ kyaah^ʔ dsa⁻. ² Cher⁻mah¹ ga⁻lloo¹ jaa⁻ dsa⁻ jee^ʔ dsa⁻nëeh⁺ hnäh^ʔ, hi⁻ he^ʔ na⁻ kyeh^ʔ hmiih⁻ llu¹ hi⁺ hä^ʔ aniy⁻ hmooh¹ gooy⁻ ka⁻läh^ʔ. Hi⁺ wa⁻ra⁻ ga⁻lloo¹ jaa⁻ hi⁻ tä⁻nëe^ʔ hi⁻ sih^h hi⁺ hmiih⁻ kih¹. ³ Hi⁺ cher⁻mah¹ jmää^h hnäh^ʔ jøøh¹ hi⁻ jnaah¹ hmiih⁻ kih¹ he^ʔ, mah¹ jwiih¹ hñih^ʔ: “Na^ʔ jee^ʔ llu¹ la⁻”, mah¹ hi⁻ tä⁻nëe^ʔ he^ʔ, jwiih¹: “Jmää¹ lä⁺ ma⁻chëh¹ na⁻ o jee^ʔ la⁻ ya⁻na^ʔ hu^ʔ tiin⁺ la⁻.” ⁴ Jee^ʔ ja⁻ dsa⁻lä⁻jnääh^ʔ hnäh^ʔ he⁻ sa⁺ jmeeh⁻ hnäh^ʔ kwee⁻ lä⁺hii^ʔ në^ʔ kyaah^ʔ dsa⁻. He⁻ jmeeh⁻ hnäh^ʔ lä⁻ja⁻, jmää^h hnäh^ʔ hñaah¹ jwëe⁻ hi⁻ kye⁻ hu^ʔdsë⁻ hliih¹ jmah¹ ba^ʔ.

⁵ Nuū da' hnäh' øøhn' hī hnaan̄: ¿Che' sa' ga'leēh Dio hī tǟnee' jmī gyuū lā, mah' lä'dsoo' dsëy' kiyh'? Hī he' laa' lä'koh' hī cha' kuu' kih', hī hyoyh' heey' ya'jwii' kih' Dio lä'koō ga'bääh Dio hñii' kih' lä'jëe' hī hnaayh'. ⁶ Pero mi'kwah' hnäh' kih' hī tǟnee', mah' hnaah' hnäh' hī cha' kuu'. ¿Ja' dsa' cha' kuu' na' hī tääh' jmeeh' hnäh'? ¿Ja' hī he' na', dsa'jää' hnäh' në'ta'? ⁷ ¿Ja' dsa' cha' kuu' na', hī mi'kwah' jmī kih' Cristo he' la' na'hñaah' jnän, hi' ja'ba' kyaah' jmī kih' Cristo ga'mi'cheey' hnäh'?

⁸ He' jmeeh' hnäh' llu' ba' jā, cher'mah' ju'dsoo' ga'mi'teh' hnäh' ley juuh̄, lä'koō na'siī juu' kih' Dio: "Wa' hnaah' dsa'kyaah', ja'ba' lä'koō hnaah' hñaah'." ⁹ Pero cher'mah' sa' ga'jmeeh' hnäh' kwee' lä'hii' në' kyaah' dsa, he' jmeeh' hnäh' dso'kye' ba' jā. Ja'ba' ley jā, hñii' kyah' hnäh' he' na'bääh' hnäh' dsoo'. ¹⁰ Jaa' dsa' hī høø' lä'jëe' he' lle' ley kih' Moisé, cher'mah' ga'hlääyh' kyaah' koō mi'juu' ba', ma'na'bääh' lä'jëe'. ¹¹ He' ba' hī ga'jäh': "Hne' hī na'jee' goō, ta' kaah' hī laa' kyaä' jñah'", he' ba' hī he' ga'jäh' ka'läh': "Ta' jngëeh' dsa." He'jā, cher'mah' sa' kaah' hī laa' kyaä' jñah', pero jngëeh' dsa, ma'ra' he' ma'na'bääh' ba' hne' cha'në' ley.

¹² He'jā hnøø' hlëeh' hnäh' hi' hnøø' jmeeh' hnäh' lä'koō lle' kyah' hnäh' ba', jëeh' lloō koō jmī, ley jā ngiih' kwaat' jnän, ja'ba' ley he' kyaah' dsa'lää' jne'. ¹³ Kih' hī sa' lä'nih' dsë' dsa'kyaah', ja'ba' lä'ja' sa' lä'nih' dsë' Dio kyaayh' ka'läh' wa'ra' ga'të' jee' llay' ta'. Pero cher'mah' ga'lä'nih' dsë' jne' kih' dsa'kyaah' jne', hwëe' jne' llu' wa'ra' ga'të' jee' ngiiyh' kwaat' jnän.

Ta' llu' jnän' kyaah' he' ma'dsoo' dsë' jne'

¹⁴ Øøhn', hee' jmää' kih' jaa' hī jäh' ma'dsoo' ba' dsëy' kih' Dio mah' ni' koō he' llu' sa' jmeey'. ¿Che' lääy' kyaah' he' koō jäyh': "Ma'dsoo' ba' dsën'?" ¹⁵ Cher'mah' chaa' jaa' øøh' jne', dsa'më' dsa'nüuh' hī sa' cha' hmiih' he' këyh' hi' sa' cha' he' kuh'hiih' koō jmī koō jmī, ¹⁶ hi' cher'mah' jaa' hnäh' ga'chiih' hñih': "Jwërte kwa' be', gwaah' ba' hne' llu', ja' mi'llaah' hñaah', ja' kuh' ba' hne' llu'." Pero ¿hee' jmää' he' ga'jäh' lä'na', cher'mah' sa' ga'kwëeh' hñih' he' jmee' bii' kiyh'? ¹⁷ Ja'ba' lä'ja' la' kih' hī jäh' ma'dsoo' dsëy' kih' Dio. Cher'mah' sa' cha' ni' miih' he' llu' ma'jmeey', sa' jmää' he' jäyh': "Ma'dsoo' ba' dsën'." Juu' ta'jmah' ba' jā.

¹⁸ Pero cher'mah' jaa' ga'jäh': "Hne' jmeeh' ta' llu', jnä' ma'dsoo' dsën'", lä'la' jwii' jnih' ka'läh': "Mi'jnää' kin' he' ma'dsoo' hoh', hne' hī sa' ma'jmeey' ni' miih' ta' llu', mah' jnä' mi'jnään' kyah' he' ma'dsoo' dsën' kyaah' ta' llu' he' jmeen'." ¹⁹ Hne' jmeeh' dsoo', jaa' ba' Dio chaa'. Jmeeh' ba' hne' llu'. Hi' lä'ja' jäh' hi' sa'llu' ka'läh', mah' jlää' bih' kih' he' goyh'. ²⁰ Peer' taah' hne'. ¿He'la' sa' hii' lä'ngëeh' miih'? Sa' jmää' he' jäh' jne' ma'dsoo' ba' dsën' kih' Dio mah' sa' na'jnä' ta'

jnän`. ²¹ ¿Ja' ga+jmee' Dio kwaat~ lluu' Abraham dsa- ma-gyuh- jnän` ta-la- kih' ta' llu' he- ga+jmeey', he- ga-ngëëy' Isaac jooy' kih' Dio mah' ma' juuy' në' na'hyoo'? ²² ¿Che' sa- ngëëh' ha- lä- la'? Ga-lä-dsoo' dsë' Abraham kih' Dio, he-ja- ba' ga+jmeey' lä-koo- ga-jäh' Dio. Hi' kyaah' he- ga+jmee' Abraham ja-, ga-lä-jnä' ma-ra- he- ga-lä-dsoo' ba' dsëy' kih' Dio. ²³ Lä-ja- ga-lä-te' lä-koo- na-sii- juu' kih' Dio he- jäh' lä-la-: "Ga-lä-dsoo' dsë' Abraham kih' Dio, he-ja- ga+jmee' Dio kwaat~ lluu'." Hi' ga-lä-cheey' ome- kya- Dio. ²⁴ Lä-ja- dsa-lä-ngëë' jne', jmee- Dio kwaat~ lluu' dsa-, kyaah' he- jmeey' ta' llu', ja- ma-la- kyaah' he- ma-dsoo' dsëy'.

²⁵ Ja-ba- lä-ja- ga-la- kih' Rahab, jaa- dsa-më' hi- ma' hnëë~ hñii' kyaah' wa' hi- cha- hi-. Ga+jmee' Dio kwaat~ lluu' kih' he- ga-kway' jee' ga-jä' hi- ga-lla-nää' koo' juu' hi- ga-cheey' ta' jyoh' jwë' lä-llu' jee' ga-laay'. ²⁶ Jmi-ngo' he- mo-so- kyaah' jmi-llë', na-juu' ba' ja-. Ja-ba- lä-ja- la' jnän`. Sa- jmää' he- ma-dsoo' dsë- jne' kih' Dio, cher'mah' sa- na-jnä' ta' llu' he- jmee- jne'.

Hnøø' leeh' jne' ha- lä- hlëeh' jne'

3 ¹ Sa- wa' chaa- jwëë' ta-jwöh' jee' tääh' hnäh' øøhn'. Ma-ñeh' ba' hnäh', hweh- ga' miih- ngiih' Dio kwaat~ jnän` hi- laa' ta-jwöh'. ² Lä-jëë- ba' jne', joh' jiih~ sa- dsa-hlääh- jne'. Pero jaa- hi- sa- dsa-hlääh- kyaah' juu' he- hlëëyh', hi- he' laa' jaa- dsa-ñuuh- lluu' go-te-. Lih- hääy' hñiiy' kih' lä-jë- ba', sa- kway- jwë' jøø' he- hliih' kih'.

³ Wa-ra- ga-tøøh' jne' fren~ hoo' kya'jiih', hwa- bih' kyaah' jne'. Ma-ke- jøøyh', kyaah' koo- he- pih' ba' tää- jää' jne' ha- ta- jee' hnøø- jne'. ⁴ Lä-ja- la' ka-läh' kyaah' barco. Ma-ke- he- ga- juuh- ngëë' barco hi- ma-ke- sëeh~ lle' tä' kih', pero kyaah' koo- jwi- hma- pih' ba' kooth- dsa-, le' dsa-näay' ha- ta- jee' hnøøy'. ⁵ Hi- lä-ja- la' ka-läh' kyaah' lä'siih' jne'. Koo- he- pih' ba', pero ha- koh' dsoo' sa- hnoo-. Kyaah' koo- je- pih' ba' lee- sooh' lä-jiih' koo- koo- moh' juuh-. ⁶ Hi- lä'siih' jne' la' lä-koo- je-. Joh' nëë' he- hliih' sa- gwa' kih'. He- na- hee~ lä-kaa- jmi-ngo' jnän` lä-jë- jmi- ba'. Lä'siih' jne' na-, tēë- be' kih' cha'je-.

⁷ Lih- ba' dsa- mi-hwaa' lä-jëë- nëë' jah' laa- hi- chaa- hwa' la-, liyh- mi-hwaa' ta', miih-, hi- jah' hi- chaa- jmi-ñeeh- ka-läh'. ⁸ Pero sa- chaa- ni- jaa- hi- lih- ha' kih' lä'siih' jne'. Sa- cha- he- lla-dsëë- kih' he- hliih' na-. Lä-koo- he- na-kah' venen he- jngiih- kih' dsa- ba' la' lä'siih' jne'.

⁹ Kyaah' lä'siih' jne' hlëeh' jne' llu' kih' Dio hi- laa' Tä- jnän`, hi- ja-ba- kyaah' lä'siih' jne', jwä- jne' dso'jwi- kih' dsa-, hi- laa' lä-koo- heeh- kih' Dio. ¹⁰ Koo- ba' hoo' jne' jee' hwëë- juu' llu' hi- jee' hwëë- juu' hliih'. Ni- miih- sa- sooh- lä-na-, øøhn'. ¹¹ Ha- lä-ja-, koo- jmi-too- hya- jmi- øø' hi- ja-ba- he- ja- hya- jmi- llih' ka-läh'. ¹² Øøhn', ha- lä-ja- koo-

chaah¹ higo hii¹ mi¹olivo o wii¹ jeh¹ hii¹ mi¹higo. Ja¹ba¹ lä¹ja¹ la¹ kih¹ jee¹hya¹ jmi¹, sa¹ hwëë¹ jmi¹ nii¹ kō¹jōh¹ kyaah¹ jmi¹ øø¹.

Kih¹ Dio ba¹ ja¹, he¹ gwa¹ huu¹dsë¹ llu¹

¹³ Cher¹mah¹ chaa¹ jaa¹ hnäh¹ hi¹ cha¹ huu¹dsë¹ llu¹ kih¹, hi¹ kyuu¹h¹ cha¹miih¹, hi¹ he¹ hnøø¹ mi¹jnaä¹ he¹ kyuu¹yh¹ ja¹, kyaah¹ ta¹ llu¹ he¹jmeey¹. Hi¹ hnøø¹ jmää¹y¹ hñii¹ jaa¹ hi¹ hwaä¹, lä¹lle¹ kih¹ jaa¹ hi¹ kyuu¹h¹.

¹⁴ Pero cher¹mah¹ wii¹ hoh¹ hnäh¹ hi¹ jmeeh¹ hnäh¹ lä¹ tih¹ hoh¹ hnäh¹ hñaa¹, sa¹ cha¹ he¹ kih¹ he¹ jmää¹ hnäh¹ hñaa¹ kaah¹. He¹ ta¹juu¹ ba¹ hnäh¹ ja¹. ¹⁵ Ja¹ he¹ ja¹ gyuu¹ huu¹dsë¹ na¹. Huu¹dsë¹ cha¹ hwa¹ la¹ ba¹ na¹, he¹ gwa¹ kyaah¹ jmi¹ngo¹ kyah¹ hnäh¹ ba¹ na¹. La¹ kih¹ hi¹sa¹llu¹ ba¹ huu¹dsë¹ na¹. ¹⁶ Jëeh¹, he¹ wii¹ hoh¹ hnäh¹ kyaah¹ dsa¹kyaah¹ hnäh¹ hi¹ hnooh¹ hnäh¹ he¹ tih¹ hoh¹ hnäh¹ hñaa¹, he¹ ja¹ jmee¹, he¹ tääh¹ hnäh¹ wa¹ la¹ cha¹ la¹, jmeeh¹ hnäh¹ lä¹jë¹ nëë¹ he¹ hliih¹.

¹⁷ Pero huu¹dsë¹ he¹ ja¹ gyuu¹, he¹ ja¹ ba¹ na¹jngii¹. He¹ ja¹ ba¹ jmee¹ hii¹ ti¹ kih¹ dsa¹, jmee¹ hwaä¹ dsa¹, nuuh¹ dsa¹, dsa¹lä¹nih¹ dsëy¹ cha¹miih¹ hi¹ jmeey¹ he¹ llu¹ jmah¹ ba¹. Kyaah¹ huu¹dsë¹ llu¹ ja¹, jmee¹ dsa¹kwee¹ lä¹hii¹ në¹ kyaah¹ dsa¹ hi¹ ja¹ koo¹ ta¹juuy¹. ¹⁸ Dsa¹ hi¹ ga¹nää¹ koo¹ nëë¹ ba¹, jmeey¹ hii¹ ti¹ kih¹ dsa¹, hi¹ lä¹ja¹ lä¹jwëë¹ dsa¹ hi¹ jmee¹ he¹ llu¹ jmah¹ ba¹.

Sa¹ wa¹ hnøø¹h¹ jne¹ he¹ cha¹ jmi¹gyuu¹ la¹

4 ¹ ¿Ha¹ ta¹ gwa¹ he¹ te¹jëeh¹ hnäh¹? Kih¹ he¹ hee¹ hoh¹ hnäh¹ he¹ ga¹ cha¹, he¹ ja¹ ba¹ na¹ jmee¹ jwiih¹ kyah¹ hnäh¹. ² Cha¹ he¹ hnooh¹ hnäh¹ pero sa¹ tëeh¹ hnäh¹. Jngëeh¹ hnäh¹ dsa¹ hi¹ jmeeh¹ hnäh¹ bii¹ leh¹ hnäh¹ he¹ cha¹ kiyh¹ pero sa¹ tëeh¹ hnäh¹. Ti¹chooh¹ hnäh¹ juu¹, hi¹ ti¹hnee¹ hnäh¹. Sa¹ ma¹hñah¹ hnäh¹ he¹ hnooh¹ hnäh¹, jëeh¹ sa¹ ma¹ngiih¹ hnäh¹ kih¹ Dio. ³ Hi¹ wa¹ra¹ ga¹ngiih¹ hnäh¹ kih¹ Dio, sa¹ hñah¹ hnäh¹. Jëeh¹ sa¹ ngiih¹ hnäh¹ kyaah¹ huu¹dsë¹ llu¹, koo¹ hnooh¹ hnäh¹ lä¹ tih¹ hoh¹ hnäh¹ hñaa¹ ba¹.

⁴ Hnäh¹ dsa¹më¹ dsa¹nñuh¹, ¿he¹la¹ ma¹lä¹øø¹ hnäh¹ kih¹ Dio? ¿Che¹ sa¹ ñeh¹ hnäh¹ mo¹so¹ jwah¹ hnäh¹ kyaayh¹, cher¹mah¹ hnooh¹ ga¹ hnäh¹ he¹ cha¹ jmi¹gyuu¹ la¹? Jëeh¹, hi¹ hnooh¹ ga¹ he¹ cha¹ jmi¹gyuu¹ la¹, mo¹so¹ jwayh¹ kyaah¹ Dio. ⁵ ¿Che¹ laah¹ hnäh¹, koo¹ ta¹jäh¹ ba¹ juu¹ kih¹ Dio he¹ lle¹ lä¹la¹: “Jmi¹lle¹ Na¹jngii¹ kih¹ Dio he¹ kyaah¹ jne¹, hnääy¹ jne¹ cha¹miih¹, sa¹ hnøøy¹ kye¹ jne¹ jyoh¹ jwë¹”? ⁶ Pero cha¹miih¹ jmee¹ Dio llu¹ dsë¹ kyaah¹ jne¹. He¹ja¹ jäh¹ juu¹ kiyh¹ lä¹la¹: “Dio jne¹ jwë¹ kih¹ hi¹ jmää¹ hñii¹ jøø¹, pero llu¹ ba¹ dsëy¹ kyaah¹ hi¹ hwaä¹.”

⁷ Wa¹ nuuh¹ hnäh¹ kih¹ Dio. Ta¹ kwa¹ jwë¹ kih¹ hi¹sa¹llu¹ kaayh¹ hnäh¹, lä¹ja¹ ba¹ lä¹øøy¹ kyah¹ hnäh¹. ⁸ Ya¹nää¹ hnäh¹ kih¹ Dio hi¹ Dio mi¹jäyh¹ kyah¹ hnäh¹. Hnäh¹ hi¹ jmee¹ dso¹kye¹, hnøø¹ na¹jngëe¹ hnäh¹. Hi¹ hnäh¹ hi¹ jmee¹ to¹ dsë¹, wa¹ la¹ koo¹ ba¹ huu¹dsë¹ kyah¹ hnäh¹. ⁹ Ki¹hoo¹ hnäh¹ lä¹jiih¹ chaah¹ hoh¹ hnäh¹. Lla¹ he¹ ngiih¹ hnäh¹, hnøø¹ hoo¹ hnäh¹ ba¹.

Lla⁻ he⁻ chaa⁻ hnäh^ʔ llu[!], wa[!] ti⁻ meeh⁻ hoh^ʔ hnäh^ʔ. ¹⁰ Wa[!] hwaah[!] hnäh^ʔ kih[!] Dsa⁻jøøh[!] jnän[`], mah[!] jmääy[!] hnäh^ʔ kaah[!].

Sa⁺ wa[!] kyen[!] kwaat[~] kih[!] øøh[!] jne[!]

¹¹ Øøhn[!], ta⁺ cha⁻hää[~] hnäh^ʔ dsa⁻kyaah[!] hnäh^ʔ. Hi⁻ cha⁻hää[~] øøh⁻, o kay[~] kwaat[~] kiyh[!], hi⁻ he^ʔ cha⁻hää[~] ley, hi⁺ kay[~] kwaat[~] kih[!] ley. He⁻ ja⁻ cher[!] mah[!] kah⁻ hnäh^ʔ kwaat[~] kih[!] ley, he⁻ jmääh⁺ hñaah[!] jwëë⁻ ba[!] ja⁻, lla⁻ he⁻ ma[!] høøh[!] hnäh^ʔ ley. ¹² Jaa⁻ ba[!] hi⁻ ga⁻lla^ʔ ley, jaa⁻ ba[!] hi⁻ na⁻ngë[!] jwë[!] lääy[!] dsa⁻ hi⁺ na⁻ngëy[!] jwë[!] heey[!] dsa⁻. Pero hnäh^ʔ, hee⁻ laah[!] hnäh^ʔ mah[!] kah[!] hnäh^ʔ kwaat[~] kih[!] jñah^ʔ.

Sa⁺ chaa⁻ hi⁻ ñe⁻ ha⁻ lä⁺ chaa⁻ jne[!] hø[!]

¹³ Nu^u⁻ da[!] hnäh^ʔ hi⁻ jäh^ʔ: “Na[!] o hø[!] dsa⁻nøø[!] jnääh[!] dsa⁻jmeë[!] jnääh[!] ta[!] jee[!] jyoh^ʔ jwi⁻. Jee[!] oo⁺ jä[!] jnääh[!] koo⁻ ñe⁻, jmeë[!] jnääh[!] miih⁻ ta[!] hñi⁺ mah[!] leh⁺ jnääh[!] cha⁻miih⁻ kuu^ʔ”, jawah^ʔ hnäh^ʔ. ¹⁴ Pero sa⁺ ñeh[!] hnäh^ʔ hee⁻ na⁻ le[!] kyah[!] hnäh^ʔ hø[!], che[!] chaa⁻ juuh^ʔ hnäh^ʔ. ¿Che[!] sa⁺ kye[!] hnäh^ʔ kwaat[~] he⁻ laah[!] hnäh^ʔ lä⁺koo⁻ jmi⁻ hmoo[!] he⁻ gwa[!] ko⁻hwëë[!] mah[!] dsa⁻ääh[!] ka⁻läh^ʔ? ¹⁵ Lla⁻ he⁻ ma⁻jwah^ʔ hnäh^ʔ lä⁺ja⁻, jawah[!] hnäh^ʔ lä⁺la⁻ ba[!]: “Cher[!] mah[!] jäh^ʔ Dio chaa⁻ ga⁻ jne[!], jmeë[!] ba[!] jne[!] hee⁻ ga⁻ hnøø[!] le^ʔ.” ¹⁶ Pero kyaah[!] he⁻ hlëeh[!] hnäh^ʔ, he⁻ jmääh⁺ hnäh^ʔ hñaah[!] kaah[!] ba[!] na⁻. Lä⁺jë⁺ juu[!] taah[!] lä⁺na⁻, la[!] hliih[!]. ¹⁷ Hi⁻ lih⁺ jmeë[!] he⁻ llu[!], mah[!] sa⁺ jmeey⁺, he⁻ jmeey⁺ dso[!]kye⁻ ba[!] ja⁻.

Dsa⁻ cha⁻ kuu[!] hi⁻ hña⁻ dsë⁻ jëëy[!] wi[!] ba[!]

5 ¹ Nu^u⁻ da[!] hnäh^ʔ dsa⁻ cha⁻ kuu[!]. Ki[!]hoo[!] hnäh^ʔ jwërte. Na[!] ga[!] jä⁺ cha⁻miih⁻ wi[!] në[!] kyah[!] hnäh^ʔ. ² Ngoo[!] ga⁻heë[!] lä⁺jë⁺ he⁻ hmooh[!] he⁻ cha⁻ kyah[!] hnäh^ʔ. Ma⁻jwë[!] jah^ʔ sa⁻hmiih⁻ kyah[!] hnäh^ʔ. ³ Lä⁺jë⁺ kuu[!] kyah[!] hnäh^ʔ ma⁻hya⁻ tu[!]juuh[~]. Lä⁺jë⁺ he⁻ na⁻ hñi[!] kyah[!] hnäh^ʔ lä⁺jiih[!] mi⁻lla⁺ hnäh^ʔ, lä⁺koo⁻ he⁻ kaah⁺ hnäh^ʔ kyaah[!] je⁻ ba[!]. Peer⁺ ma⁻lla⁻mah[!] kuu[!] kyah[!] hnäh^ʔ jee[!] ma⁻dsaa[!] jmi⁻ la⁻. ⁴ Jñee[!] dsa⁻ hi⁻ ma[!] jmeë⁺ ta[!] jee[!] nuu⁻ kyah[!] hnäh^ʔ ki[!]hoo[!] jwërte, hñi⁻ kyah[!] hnäh^ʔ kih[!] Dio. He⁻ ga⁻juu[!] hnäh^ʔ kiyh[!], he⁻ sa⁺ ga⁻mi⁻hmaah[!] hnäh^ʔ jñeey[!]. Peer⁺ ki[!]hoo[!] dsa⁻ hi⁻ ga⁻chooh[!] ta[!] kyah[!] hnäh^ʔ he⁻ja⁻ ma⁻nuu[!] Dio hi⁻ laa[!] juu[!] lä⁺jëë⁺ hi⁻ tääh[!] gyuu[!]. ⁵ Peer⁺ jñaah[!] dsa⁻ngëëh[!] hnäh^ʔ hwa[!] la⁻, ma⁻lëh[~] hnäh^ʔ ga⁻lä⁺jë⁺ ba[!] he⁻ ma⁻heë[!] hoh^ʔ hnäh^ʔ. Ma⁻gyaah[!] hnäh^ʔ lä⁺koo⁻ jah^ʔ hi⁻ ngoo[!] ga⁻lloo[!] jmi⁻ jngëëh[!] dsa⁻. ⁶ Kih[!] hi⁻ sa⁺ ää⁻ ni⁻ miih⁻ ma⁻bääh[!] hnäh^ʔ dsoo[!] hi⁺ ma⁻jngëëh⁺ hñi⁻. Sa⁺ ga⁻hnooyh⁻ ha⁻ lä⁺ jee[!] ma[!] lääy[!] hñi⁻y^ʔ.

Hnøø[!] jøh⁻ dsë⁻ jne[!] lä⁺jiih[!] jäh^ʔ Dsa⁻jøøh[!] jnän[`]

⁷ He⁻ja⁻ jwëëhn[~] hnäh^ʔ øøhn[!], wa[!] jøh⁻ hoh^ʔ hnäh^ʔ lä⁺jiih[!] lloo[~] jmi⁻ jäh^ʔ Dsa⁻jøøh[!] jnän[`]. Jëë[!] da[!] hnäh^ʔ lä⁺koo⁻ la[!] kih[!] hi⁻ jmeë⁺ ta[!], jøøy[~] jma[!] he⁻ lä⁺gyuh[!] jee[!] nuu⁻ kiyh[!], ja⁻ga⁻chooyh[!] ta[!] he⁻kyey⁻ o⁻jøh⁺ dsë[!]

kih'. ⁸ Ja⁻ba⁻ lä⁻ja⁻ hnø¹ jmeeh¹ hnäh'. Wa⁻ jøh⁻ hoh⁻ hnäh', go⁻taah⁻ hnäh' koo⁻ hweh⁻, ta⁻ hwa⁻ hnäh', jëeh⁻ ngoo⁻ ya⁻jäh⁻ jmi⁻jäh⁻ Dsa⁻jøøh⁻ jnän'. ⁹ Ta⁻ hnoo⁻ hnäh' juu⁻ kih' dsa⁻kyaah⁻ hnäh' mah⁻ sa⁻ ka⁻ Dio ju'dsoo⁻ kyah⁻ hnäh'. Hii⁻ Jwëe⁻ ma⁻ch eh⁻ chuh⁻ ho⁻haah⁻.

¹⁰ Øøhn⁻, mi⁻dsooh⁻ da⁻ hoh⁻ hnäh' ha⁻ lä⁻koo⁻ wi⁻ ga⁻jëe⁻ lä⁻jëe⁻ hi⁻ ga⁻ngëe⁻ juu⁻ kih' Dio, lä⁻ ma⁻ ga⁻hlëy⁻h⁻ dsa⁻ mada⁻ kih' Dio. Hi⁻ ma⁻ cha⁻ ba⁻ o⁻jøh⁻ dsë⁻ kih' dsa⁻ he⁻. Ja⁻ba⁻ lä⁻ja⁻ jmee⁻ hnäh' ka⁻läh'. ¹¹ Ha⁻ koh⁻ llu⁻ sa⁻ la⁻ kih' dsa⁻ hi⁻ kwëeh⁻ dsë⁻. Ma⁻n⁻uuh⁻ ba⁻ hnäh', ha⁻ lä⁻ ga⁻kwëeh⁻ dsë⁻ Job lä⁻koo⁻ ma⁻ ga⁻jëy⁻ wi⁻ hi⁻ ma⁻n⁻eh⁻ ba⁻ hnäh' ha⁻ lä⁻ ga⁻jmee⁻ Dio kya⁻ayh⁻ ma⁻ngëe⁻ ma⁻jëy⁻ wi⁻. Peer⁻ cha⁻miih⁻ dsa⁻lä⁻nih⁻ dsë⁻ Dio jnä⁻ jne⁻ hi⁻ koo⁻y⁻ dsëy⁻ ka⁻läh'.

¹² Øøhn⁻, jee⁻ lä⁻jë⁻ he⁻ hnoon⁻ jwëeh⁻n⁻ hnäh', ta⁻ tä⁻ hnäh' gy⁻uuh⁻, ni⁻ ta⁻ tä⁻ hnäh' hwa⁻, ni⁻ he⁻ ga⁻ jyoh⁻, ta⁻ tä⁻ hnäh'. Cher⁻mah⁻ jwah⁻ hnäh' "Ja⁻ah⁻", koo⁻ "Ja⁻ah⁻" ba⁻ jwah⁻ hnäh'. Hi⁻ cher⁻mah⁻ jwah⁻ hnäh' "Ja⁻h⁻ha⁻", koo⁻ "Ja⁻h⁻ha⁻" ba⁻ jwah⁻ hnäh' mah⁻ sa⁻ ka⁻ Dio ju'dsoo⁻ kyah⁻ hnäh'.

Ha⁻ lä⁻ hnø¹ jmeen⁻ ma⁻ cha⁻ hi⁻ dsaah⁻

¹³ Cher⁻mah⁻ cha⁻ ja⁻ hi⁻ jëe⁻ wi⁻ jee⁻ kyah⁻ hnäh', wa⁻ ngiiy⁻ kiyh⁻ kih' Dio. Cher⁻mah⁻ cha⁻ ja⁻ hi⁻ jëe⁻ dsë⁻, wa⁻ häy⁻ kih' Dio. ¹⁴ Hi⁻ cher⁻mah⁻ cha⁻ ja⁻ hi⁻ dsaah⁻ jee⁻ kyah⁻ hnäh', hnø¹ tëeyh⁻ dsa⁻gy⁻uuh⁻ kya⁻ gwah⁻ mah⁻ ta⁻ayh⁻ aceit lä⁻koo⁻ hih⁻ he⁻ ga⁻jmee⁻ Dsa⁻jøøh⁻ jnän⁻ hi⁻ ngiiy⁻ kih' Dio mah⁻ mi⁻hläy⁻ hi⁻ dsaah⁻ he⁻. ¹⁵ Hnø¹ dsoo⁻ dsëy⁻ jee⁻ ngiiy⁻ kih' hi⁻ dsaah⁻, lä⁻ja⁻ jä⁻ ba⁻ kiyh⁻. Dio ba⁻ cha⁻ayh⁻. Hi⁻ cher⁻mah⁻ ma⁻jmeey⁻ he⁻ hliih⁻, koo⁻ ba⁻ Dio dsë⁻ kiyh⁻. ¹⁶ Mi⁻jnää⁻ kih' dsa⁻kyaah⁻ hnäh', cher⁻mah⁻ he⁻ ma⁻hlä⁻h⁻ kya⁻ah⁻ hnih⁻. Hi⁻ ngii⁻ hnäh' kih' dsa⁻kyaah⁻ hnäh' kih' Dio mah⁻ jä⁻ kyah⁻ hnäh'. He⁻ ngii⁻ ja⁻ hi⁻ lluu⁻ kye⁻, hi⁻ kye⁻ cha⁻miih⁻ be⁻. ¹⁷ Elía ma⁻ la⁻ ja⁻ dsa⁻ lä⁻ jne⁻. Hi⁻ he⁻ ga⁻ngii⁻ kih' Dio lä⁻kaa⁻ tuh⁻ dsë⁻, mah⁻ sa⁻ wa⁻ jä⁻ jma⁻. Hi⁻ hnë⁻ jī⁻ nē⁻ na⁻ dsë⁻ jñee⁻ sih⁻, sa⁻ ja⁻ ni⁻ miih⁻ jma⁻. ¹⁸ Ma⁻ngëe⁻ he⁻ ja⁻, koo⁻ ka⁻läh⁻ ga⁻ngiiy⁻ kih' Dio he⁻ jä⁻ jma⁻, hi⁻ ja⁻ jma⁻, hi⁻ koo⁻ ka⁻läh⁻ ga⁻løø⁻ ga⁻kwa⁻ mi⁻hma⁻.

¹⁹ Øøhn⁻, cher⁻mah⁻ cha⁻ ja⁻ hnäh' hi⁻ ma⁻lä⁻øø⁻ kih' ju'dsoo⁻, hi⁻ lä⁻ja⁻ cha⁻ jñah⁻ hi⁻ jmee⁻ ya⁻näy⁻ ka⁻läh', ²⁰ hnø¹ lä⁻ngëeh⁻ hnäh' he⁻ la⁻. Cher⁻mah⁻ ga⁻lëh⁻ hnäh' cha⁻ah⁻ ja⁻ hi⁻ ma⁻lä⁻øø⁻, ma⁻lä⁻h⁻ hnäh' ja⁻ hi⁻ ma⁻ hii⁻ goo⁻ juu⁻, hi⁻ lä⁻ja⁻ ma⁻che⁻ cha⁻miih⁻ dso⁻kye⁻.